

文殊菩薩無盡十種甚深大願

節錄自「大乘瑜伽金剛性海千臂千鉢大教王經」



文殊菩薩，是文殊師利菩薩的簡稱。祂是龍種上佛的化身，亦是無數佛、菩薩的老師，被尊稱為「三世佛母」。因為祂有教導眾生發心成佛的誓願（本經內容），故再作菩薩，來此娑婆世界，助釋迦佛，開啟眾生成佛的智慧，故亦被稱為大智文殊師利菩薩，為眾菩薩之上首。

香 讚

爐香乍爇

法界蒙熏

諸佛海會悉遙聞

隨處結祥雲

誠意方殷

諸佛現全身

南無香雲蓋菩薩摩訶薩

三稱

稱聖號

南無本師釋迦牟尼佛

三稱

開經偈

無上甚深微妙法

百千萬劫難遭遇

我今見聞得受持

願解如來真實義

文殊菩薩無盡十種甚深大願

佛告大衆：「諸大菩薩摩訶薩！若有初發
意菩薩及一切四部衆善男子、善女人等，若發
菩提心者，曼殊室利菩薩，當有誓言：『我有
十種諸佛無盡甚深大願，所有一切菩薩及一切
有情衆生，人我願者，則是世尊諸佛之子，亦
是我父母。於意云何？我有先誓大願，依我十
種大願者，先爲父母、兄弟、姊妹、妻子、眷
屬，得令富貴，果報圓滿，兄友弟恭，慈心不

殺，聽學大乘，讀誦尊經，轉教群品，願至菩提。我亦作師僧子弟、和尚、阿闍梨、同學、伴侶，受我法教，學我威儀，取我禮節，令發勝願，迴向大乘，學習菩提，漸成佛道。於是我作他作，大臣官長，理務世俗，一一清正，於國忠孝，悉共有緣，歸向菩提，得值三寶，令發菩提之心。云何名爲無盡十種甚深大願？」

『一者大願：若有一切衆生，所生三界，或我作他作，隨緣受化；四空五淨之主，八定四禪之主，梵王六欲之主，帝釋諸天之主，四

天四輪之主，諸神龍王之主，八部鬼神之主，
守護佛法之主，伽藍宮殿之主，四大持世之
主，金剛堅牢之主，護國善神之主，大國小國
之主，粟散世王之主，統領諸軍主，都攝所守
主；所有水陸四生，胎卵濕化，九類蠢動，一
切含靈，同生三世，願佛知見。或未聞我名，
令願得聞；及聞我名，於我法中，令一切有
情，盡發菩提，迴向大乘，修無上道。若有衆
生，以法藥世醫，救療諸疾，歷數算計，工巧
博奕，世典文筆，歌詠讚歎，講論戲處，導以

度人，隨類同事，接引世俗，令發菩提，正見正授，共我有緣，得人佛道。」

『二者大願：若有衆生，毀謗於我，瞋恚於我，刑害殺我，是人於我自他，常生怨恨，不能得解，願共我有緣，令發菩提之心。』

『三者大願：若有衆生，愛念我身，欲心見我，求得於我，於我身上，於他身上，盛行諂曲，邪見顛倒，及生淨行、不淨行，諸惡不善，願共有緣，令發菩提之心。』

『四者大願：若有衆生，輕慢於我，疑慮

於我，枉壓於我，誑妄於我，毀謗三寶，憎嫉賢良，欺凌一切，常生不善，共我有緣，令發菩提之心。」

『五者大願：若有衆生賤我，薄我，慚我，愧我，敬重於我，不敬於我，妨我，不妨我，用我，不用我，取我，不取我，求我，不求我，要我，不要我，從我，不從我，見我，不見我，悉願共我有緣，令發菩提之心。』

『六者大願：若有衆生，常生殺命，作屠兒魁膾，畋獵漁捕，怨命現前，更相殺害，無

有斷絕，世世相報，殺心熾盛，不生悔過，賣肉取財，自養性命，如此之心者，永失人身，不相捨離報對，如是，令發菩提之心。若有他人，取我財物，我與財物，或施我財物，我施財物，所得財物，及不得者，於我有緣，令發菩提之心。」

『七者大願：若有衆生，供養我者，我供養他者，或我造他造，寺舍僧房，伽藍佛塔，禪房蘭若，獨靜之處，或我造他造，一切功德，及造菩薩諸佛形象，令他布施，修立福

祐，遍於法界，迴向一切諸佛菩提，令一切有情，同霑此福。及有他人自己，朋友同伴，師長弟子，修行苦行，節身斷食，持戒破戒，有行無行，和尚阿闍梨教導稱說，聽受我教，我受他教，同行同業，共我有緣，令發菩提之心。」

『八者大願：若有衆生；廣造諸罪，墮於地獄，無有出期，經無量劫，受諸苦惱，從地獄出，生於五趣，先作畜生，將命還於前生，負物作駝驢豬狗，牛羊象馬，奴婢僕從，償他

宿債，累劫倍命，還他偷盜，無有休息，我於五道，隨形受化，常生同世，教化於人，或作貧窮困苦，盲聾瘖瘂，最下乞人，於一切衆生衆中，同類，同緣，同事，同行，同業，導引得人佛道，共我有緣，令發菩提之心。」

「九者大願：若有衆生，縱恣身心，我慢貢高，故於我法中，污塗佛法，師長弟子，無慚無愧，用僧佛錢，菩薩財物，殺生偷盜，邪行妄語，綺語惡口，兩舌鬪亂，縱恣貪瞋，不揀良善，劫奪他財，拒諱謾人，不識善惡，廣

造十惡，一切諸罪，死墮阿鼻，人諸地獄，從地獄出，輪還六處，人生死海，諸趣惡道，願共有緣，同業同道，隨緣化變，當以救之，令得出離，共我有緣，發菩提心，求無上道。」

『十者大願：若有衆生，當於我法，若我有緣，若我無緣，同我大願，則是我身，共我無別，行四無量心，心等虛空，廣度有情，無有休歇，願達菩提，登正覺路。』大聖曼殊，以聖性願力，不入三界，亦不出三界，心如虛空，常在如來，清淨性海，真如藏中，安住法

界，遍在衆生，心識體性。」

曼殊室利言：「我有大願，以聖性力，加持有情，令罪垢消滅，得人菩提，諸佛聖果，則是名菩薩十種大願。」

如是曼殊，發廣大願已，三千大千世界，六種震動，天雨曼陀羅華，遍滿虛空。其時大會諸衆，盡見其華，同時讚歎：「曼殊大士！聖力自在，不可思議，不可言說。」爾時諸大會衆，咸皆歡喜，信受奉行。

文殊菩薩讚

文殊大士 妙應無方 座前獅子獸中王

妙意降吉祥 花雨天香 寶智透心光

南無大智文殊師利菩薩摩訶薩 三稱

迴向偈

願以此功德

莊嚴佛淨土

上報四重恩

下濟三途苦

若有見聞者

悉發菩提心

盡此一報身

同生極樂國

